



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi
(dum vixit) apud Erphordiam Turingiæ, Catechismus
Catholicus, summam Christianæ institutionis III. libris
succinctim complectens**

Klinge, Konrad

Coloniae, 1570

VD16 K 1309

Vnum cum sit caput Ecclesiæ Christus, vndè tanta discordia? tit. 15

urn:nbn:de:hbz:466:1-29452

lis videmus. Nam ex Luteranis, qui Ecclesiam noluerunt audire, nati sunt Zuingliani, ex illis Anabaptistæ, deinde secuti sunt Osiandrii, Illyrici, Maiorici, &c. Si ergo non vis errare, mane in naui Petri.

At dicunt: nos sumus Catholici, & veram glossam & intellectum scripture habemus. Respondeo: Hoc omnes hæretici ab initio dixerunt. Nullus vnquam voluit esse hæreticus, nulli etiam defecit scriptura, sed non habent testimonium veteris Ecclesie Catholice per totum mundum, quod priores patres etiam sic docuissent scripturam. Nam 1. Cor. 1. inquit Apostolus, id ipsum dicite omnes. sed cum potius reperitur apud patres, quod reprobauerunt illorum errores, quos ipsi renouant, & tanquam canis ad vomitum redeunt, 2. Pet. 2. idè non creditur illis.

Secundò, scriptura docet probare Spiritus an ex Deo sint, 1. Ioan. 4. Non sufficit proprium testimonium, laus & iactantia, sed laudet te alienus: si proprium testimonium sufficeret, ad quid Deus dedit superioritatem in Ecclesia?

Tertiò, non est ibi charitas & vnitas, nec cum tota & Catholica Ecclesia, nec inter se sibi constant: sed Deus non est Deus dissensionis, sed pacis, 1. Cori. 14. Idè non habet Deum, Christum vel veritatem. Hec libertas, credere quicquid volueris, destruxit Angliam, Bohemiam, Franciam & Germaniam. Ed enim per sectarios res nunc redijt, vt cuilibet sit liberum credere quæ velit. Imò eò rem tandem deuolui cuperent, quo cuiq;, quicquid libeat, facere liceret, non curando superioritatem &c.

VNVM CVM SIT CAPVT ECCLESIE CHRISTUS, vnde tanta discordia.

Rimò, Apostolus dicit 1. Cor. 12. Christus est caput Ecclesiæ, vos autē corpus Christi, id est, mysticum, & vnus alterius membrum, ad Ephes. 1. Ipsum dedit caput suum per omnem Ecclesiam, quæ est corpus ipsius, & plenitudo ipsius, qui omnia in omnibus adimplet ad Coloss. 1. Ipse est caput corporis Ecclesiæ. Sicut ergo omnia membra corporis habent vnum caput in naturali corpore, sic etiam in Spirituali. At satis non est, quod omnia membra pendent de vno capite: sed etiam opus est, ut membra inter se concordent. Si vnum membrum velit alterum mutilare & amputare, aut ei nocere, quid prodesset, quod omnia vnum haberent caput? Ergo concordia & vnitas membrorum requiritur, etiam ut pendeant & sint sub vno capite. Et in eum finem dicitur 1. Ioan. 3. Hoc est præceptum Dei, ut credamus in Christum, & diligamus alterutrum. Christum credimus ut caput, & diligimus alterutrum: ecce vnitas, &c. Est igitur vnum caput Christus, & vnum corpus, tota Ecclesia Catholica per totum mundum diffusa.

Non itaque agitur de capite Christo, sed quantum ad corpus, ex quo tanta dissidia oriuntur: omnes confitemur Christum, Deum verum & hominē, saluatorem, iustificatorem, qui nos omnes sua morte redemit, Roman. quarto. Omnes confitemur articulos fidei. Summa, in capite, id est, persona Christi concordamus omnes. Schismatici eundem Euangelij textum docent, Sacramenta administrant, omnia faciunt sicut Catholici. Habent Christum in ore, gloriantur se credere omnes articulos fidei, & in nullo errare, & Catholici conueniunt & concordant in eodem capite Christo, quem docent, laudant, & exaltant.

At discordia venit nunc, quia in corpore non concordamus per vnitatem & charitatem. Membrum
vnum

Vnum alterum occidit, vulnerat & persequitur: Vnâ pars membrorum obedire non vult Ecclesiæ, id est, potestati & superioribus, & audire Ecclesiam, Roma, decimo tertio. Matthæi decimo octauo, Vnum membrum exit ab altero, sicut i. Ioannis secundo dicitur, pugnat contra alterum, & sic vnitas per schisma in corpore mystico rumpitur & destruitur sed quando Christus nedum vult reputari pro capite, pro saluatore & iustificatore, sed etiam vult vnitatem & dilectionem corporis ac membrorum, ne alterum lædat ac vulneret alterum, idè fit discordia: & quando fides sine dilectione & vnitate nihil prodest i. Cor. 13. Idè venit talis discordia, non propter caput fidei Christum, sed propter vnitatem corporis: nam in illo sectæ nolunt concordare. At qui non concordat cum membro corporis, is nec verum & viuum est membrum capitis, nec Christus vult viuere in illo membro, quod mortuum est & abscissum à capite per odium, Matthæi quinto: Vade reconciliari fratri tuo.

Non igitur veniunt hæc dissidia propter fidem & caput Ecclesiæ Christum, sed ex eo quantum ad charitatem & vnitatem. Vbi ergo sola fides est, & non etiam charitas & vnitas, illic nec DEVS nec Christus habitare vult, quia hæc duo simul sunt præcepta, i. Ioan. tertio: Hoc est mandatum eius, vt credamus in nomine filij eius Iesu Christi, & etiam dedit mandatum, vt diligamus alterum &cæ. Et i. Ioan. 4. Deus charitas est. non dicit, Deus fides est, sed charitas. Ergo qui in charitate manet, in Deo manet, & Deus in eo. vbi charitas est, hic verissimè etiam fides est, sed non è diuerso. Multi iactant se credere, sed nō habent charitatem: idè nec opera nec fides prodest, Matt. 7. Non omnis qui dicit mihi, Domine Domine. & iterum: Domine, nonne in nomine tuo prophetauimus? Attamen audiunt, Nescio vos.

Præterea

Præterea 1. Ioan. 3. dicit Apostolus: Nos scimus quod de morte liberati & transfati sumus, id est, redempti, si diligimus fratres, id est, si in vnitate concordamus. Qui autem non diligit, id est, in vnitate non viuunt, adhuc in morte est, id est, non est viuum membrum corporis Christi. Ideo omnes sectæ quoniam in odio viuunt contra Catholicos, omnia in contemptum Catholicorum faciunt. Nolunt Ecclesiam, id est, capita & concilia audire, nec obedire, iubent fugere aut vitari Catholicos, eisque non loqui: nec comedunt cum eis, &c. Hoc odium & propria interpretatio scripturæ, facit discordiam inter membra. Et si omnes confitemur Christum, concordamus in capite Christo: at tamē quia deest vnitas & charitas corporis, ideo hæc fides nihil proderit: sic concordamus in capite, sed non in corpore Ecclesiæ. Et quoniam sectæ tales regnum Dei non possidebunt, Gal. 5. ideo tales sunt in periculoso statu: non tantum ergo fides sola facit Ecclesiam & congregationē, vbi Christus habitat, sed etiā vnitas & charitas: quæ vbi defecerit, nihil est fides.

Tertiò, in eum finem locuti sunt sancti patres, Doctores, præsertim August. contra Petiliani Donatistę literas: Primò, quicumque de capite Christo dissentiunt, id est, nolunt credere in illum, vt Iudei & Gentes, qui dicunt, Nolumus hunc regnare super nos, Luc. 19. Et quibus est scandalum & stultitia, 1. Cor. 1. hi, inquam, non sunt de Ecclesia sua, id est, non sunt ex cõmunionē suorum. Subindè etiam qui de capite Christo consentiunt & scripturis, vnitati tamen Ecclesiæ non cõsentiunt, non iunt de Ecclesia. Nā quomodò possunt esse vniti capiti, qui in corpore non sunt, si distant & dissentiunt à corpore? Abscinde brachiū, euelle oculum, & ampliùs non sunt membra capitis &c. Odiū ergo & dissensio separat à corpore Christi mystico. Ideo ad Eph. 4. admonet Apostolus, vt solliciti sint seruire vnitatem in vinculo pacis. Præterea Cypr. lib. 1. Epist.

Epist. Epistola 6. Possit aliquis opponere, Nouatianus tenet articulos fidei, sicut Ecclesia catholica, baptizat in nomine patris & filij & Spiritus sancti: confitetur eundem patrem, eundem filium, eundem Spiritum sanctum, quem Ecclesia catholica: ergò nihil differt sectarius a catholico. Respon. Hoc primò est cogitandum, an extra Ecclesiam sit remissio peccatorum. At cum certum sit, extra Ecclesiam non esse remissionem peccatorum: Primò, quia Deus nò vult tibi remittere peccata, nisi tu prius remiseris proximo, Matth. 6. Dimitte, sicut ego dimitto: & Matth. 18. Seruus nequam arguitur &c.

Secundò, Matth. 12. inquit Christus: Qui non est mecum, id est, fide credit in me, hic est contra me: & qui non colligit mecum, id est, qui mecum non est in vnitate corporis mei, hic dispergit. At cum sectæ pergunt in odio, proinde non sunt membra viua corporis. Ergò sicut nemo extra arcam saluatus est, Gene. septimo, ita extra Ecclesiam nemo saluabitur.

Tertiò, non sufficit habere fidem aut religionem, nò esse patrem, filium & Spiritum sanctum sine charitate & vnitate. Quid enim Chore, Dathan & Abiron Num. 16. damnauit? non fides in eundem Deum, non religio. Nam eundem Deum cum Moyse, Aaron & cæteris habebant, credebant, adorabant, inuocabant, &cæt. omnes simul ad terram promissionis tendebant: at tamen propter schisma inaudita plaga puniuntur; thuribula eorum suspenduntur, &c.

Hoc Argumentum, quòd sola fides in Christum sine charitate & vnitate corporis Christi, non sufficiat, nec saluet, nec efficax sit: patres ab initio tenuerunt, Tertullianus contra Marcionem, Irenæus contra Valentinum, Cyprianus contra Nouatianum, Hieronymus contra Vigilantium, Augustinus contra Donatum, &cæt. & tota Ecclesia roboratur contra

D d omnes

omnes sectas, ita quòd etiam dicit Augustinus Epistola 165. si Angelus de cœlo veniret & diceret. Suscipe partes Donati & cœt. & libr. 4. contra Donatistas cap. 18. Hereticus extra Ecclesiam, licet sit alioqui vir bonus & probus, irreprehensibilis & cœt. solùm tamen vitio schismatis damnabitur. Galat. quinquies Sectæ regnum Dei non possidebunt & c.

At dices. Sectæ non curant esse de Ecclesia catholica, aut ipsæ se dicunt esse veram & Christianam Ecclesiam. Respon.

Primò, si hoc possunt defendere, quòd charitas & vnitas nihil est, & quòd Christus non curat illa, sed solam fidem, tunc salui sunt. At scriptura dicit 1. Ioan. quarto, Deus charitas est. Et Christus orat patrem, Ioan. 17. vt simus vnum. Et Paulus, baptizamus in vnum corpus, 1. Corinth. 12. Cibamur vno pane & vno calice, 1. Corinth. 10 & c. ergò qui extra charitatem est & vnitatem, hic non est de Ecclesia.

Secundò, si hoc probare possunt, quòd Deus etiam est Deus dissensionis, tunc ipsi habet & sunt Ecclesia, habent Christum. ita contrarium dicit Paulus 1. Corinth. 14. Deus non est Deus dissensionis. Summa, Deus vult vt totus sis Christianus, tum capiti, tum corpori consentiens.

Nec sequitur, Hic non vult esse schismaticus & separatus ab Ecclesia, ergò non est. Nam Deus assistit suæ superioritati & potestati, Roman. 13. & in illa est efficax: nec sufficit dicere, Ego rectè & debitè vtor & declaro scripturam: veram habeo intelligentiam, ergo credas meæ glossæ. nam potestas & Ecclesia habet potestatem discernendi spiritus, an ex Deo sint, 1. Ioan. quarto. Nec sequitur: Baptizo, prædico, & ministerium Ecclesiæ ago, sicut ceteri: ergò efficax & verum est, quod facio. Nam odium & schisma obstat, sicut in Chore, Dathan, & Abiron.

Num 16.

Prius

Prius oportet esse in Ecclesia, qui promissis uti vult Ecclesiae, inquit Cyprianus de simplicitate praetatorum.

*EXTRA VNITATEM ECCLESIAE
sive Catholicae an verum Euangelium, scri-
ptura & sacramenta habeantur.*

TITVLVS XVI.

Primò, magna hæc quæstio est, & apud veteres patres plurimum agitata. Ac primò inquit Cyprianus in tractatu de simplicitate prælatorum: Dominus quandò loquitur, id est, in sacro Euangelio aliquid promittit, vel remissionem peccatorum, vitam æternam, custoditionem, spiritum sanctum, &c. aut dat potestatem baptizandi, consecrandi, absoluedi, docendi Euangelium, &cæt. ad hos loquitur qui sunt in Ecclesia Catholica, & non qui foris sunt, non Iudeo, Gentili, aut Heretico loquitur, sicut Paulus 1. Corinth. 5. inquit, se loqui & docere eos qui in- rùs sunt, id est, in Ecclesia. De his inquit, qui foris sunt, iudicabit DEVS. Quoties ergò qui extra Ecclesiam sunt, sibi vendicant sacerdotij officia, id est, absoluunt, communicant, baptizant, docent, prædicant Euangelium, & sacramenta administrant, toties abutuntur scriptura & sacramentis: sicuti simia facit quæ homo, & tamen homo non est. Igitur sine efficacia est talis medicina, quæ sine effectu est salutis. Proindè 1. Ioan. 2. dicitur: Ex nobis prodierunt, sed non erant ex nobis, id est, Ecclesia. Si enim fuissent ex nobis, vbique nobiscum permansissent: sed vt manifesti fierent, quia non sunt ex nobis, ideò recesserunt. sic 2. ad Timoth. 1. scias quòd à me auersi sunt omnes, qui in Asia sunt, ex quibus est Philetus & Her-
D d 2 mogenes.